



**Republika e Kosovës**  
**Republika Kosova - Republic of Kosova**

**AGJENCIA KUNDËR KORRUPSIONIT**  
**AGENCIJA PROTIV KORRUPCIJE**  
**ANTI - CORRUPTION AGENCY**

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 24 paragrafi 11 dhe 12 të Rregullorës së Punës të Agjencisë kundër Korrupsionit, Drejtori i Agjencisë kundër Korrupsionit me datë 20.02.2015, nxjerr këtë:

**V E N D I M**

**I, Mbyllet rasti me Nr. AKK-03-3933-14 për z. Avdi Haxhaj – Gjyqtar në Gjykatën Themelore të Prishtinës – (dega Drenas), për shkak se është shmangur situatë e konflikti të interesit në ushtrimin e funksionit publik.**

**II. Rasti mund të rihapet në çdo kohë kur mund të paraqiten rrethana të reja.**

**A r s y e t i m**

I. Rasti i hapur nën dyshimin e bazuar për Konflikt interesi në ushtrimin e funksionit publik, me nr. AKK-03-3933-14, për Zyrtarin e lartë, z. Avdi Haxhaj – Gjyqtar në Gjykatën Themelore në Prishtinë – Dega Drenas, dhe njëkohësisht person i autorizuar në biznes privat, është trajtuar sipas procedurës së paraparë ligjore, për parandalimin e konfliktit të interesit në ushtrimin e funksionit publik (Ligji Nr. 04/L-051).

Zyrtari i lartë, z. Avdi Haxhaj fillimisht është njoftuar me një shkresë zyrtare nga Agjencia kundër Korrupsionit (AKK-01-4064/14), pas të cilës ai është kontaktuar nga zyrtaret e Agjencisë kundër Korrupsionit, me ç'rast është njoftuar me situatën në të cilën ndodhet, si dhe me ndryshimet që duhet të bëjë, për të shmangur dhe për të parandaluar kështu situatën e konfliktit të interesit në ushtrimin e funksionit të tij publik.

Zyrtari i lartë, z. Haxhaj, është deklaruar se ai që nga zgjedhja për Gjyqtar nuk e ka ushtruar as nuk e ushtron funksionin e Avokatit. Z. Haxha e ka dëshmuar me Vendimin nga Oda e Avokatëve të Kosovës për shlyerje (ex-officio) nga regjistri i avokatëve të Odës së Avokatëve të Kosovës (03-4565/14), por që megjithatë në Agjencinë e regjistrimit të bizneseve ai ka mbetë i regjistruar si biznes.

Agjencia kundër Korrupsionit i ka sqaruar se gjatë kohës së ushtrimit të funksionit publik në rastin konkret "Gjyqtar", ai nuk mund të jetë, as edhe formalisht, person i autorizuar i biznesit privat, prandaj ka kërkuar që të bëjë edhe këto ndryshime.

Zyrtari i lartë z. Haxhaj ka premtuar se do të bëjë edhe këto ndryshime për të cilat disa herë ka inicuar, por për shkak të procesit të zgjatur akoma nuk ka arritur t'i bëjë.

Ndërkohë meqenëse z.Haxhaj i ka kaluar afatet e dhënë nga Agjencia për ndryshimet e kërkuara, prandaj AKK i ka bërë edhe shkresën e dytë (Z.D./DPK-01-5050/14) “Paralajmëruese” për pasojat që mund ta godasin nëse nuk i kryen ndryshimet brenda afatit të caktuar.

Ndërkohë,z.Haxhaj, në Agjencinë kundër Korrupsionit, ka sjellë shkresën zyrtare nga Agjensioni për Regjistrimin e Bizneseve të Kosovës (DPK-DPKI-03-02/394/15) në të cilin shihet se Avokatura “Avdi Haxhaj” është shuar si biznes në mënyrë vullnetare.

II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtari i lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Drejtor i Agjencisë kundër Korrupsionit

